

皇清文頴續編卷三十四

頌

聖駕東巡恭謁

祖陵頌

謹序

譚光祥

欽惟我

皇上秩敘邦經紹承

祖烈奉

天以敬敷政以勤

仁育萬民

義征不譴揆文奮武中外悅康固已陶殷鑄周續魏

魏而履栗栗矣迺以十年七月舉行

東巡大典祇謁

永陵

福陵

昭陵紹舉精禋虔奉妥侑

孝誠昭格肸蠁鴻庥在列諸臣無不激吮和甘手足

舞蹈形於篇章咸思作爲詩歌以揚

景樂

臣

竊惟詩歌之作自五帝始故虞書曰聲依永律和聲記曰五帝殊時不相沿樂當時有鏗鏘鼓舞之節必有長言詠嘆之詞特自周秦以後其名雖存而其辭佚矣仰惟我

朝朱果降祥

列聖肇迹

太祖高皇帝雲雷締構

創制國書伏羲氏所以畫卦爻開帝業也

太宗文皇帝西伐明都東降朝鮮

制禮興樂神農氏所以伐補遂服夙沙啟帝功也洎

乎

定鼎燕都混一區夏得天下之正三代無與倫比

聖

聖相承恭己南面霑濡浸潤暢垓派堦黃帝堯舜所

以垂衣裳而天下治也我

皇上欽承大寶

堯

舜相禪侂張辟雍之歌陶唐氏之所以作也

皇上紹聞典樂敬釋

詒謨今茲

巡幸

盛京悉遵

成憲又淵然美牆之慕焉至若

親祀

北鎮

加禮河山則同軌乎望秩蒙古朝鮮陪位來朝則齊

軫乎肆覲

壇廟成秩則濟美乎類禋

優老蠲賚肆眚各大典闡澤靡鴻則柔遠能邇之德

懋焉

迴鑿之日恭詣

昭西陵

孝陵

孝東陵

景陵

裕陵行禮則歸格藝祖之文煥焉先聖

後聖數千萬年若合符節是宜效華祝康衢之頌勒

峒嶽承帝之詞有非循誦習傳羣雅二頌諸篇

所得形容萬一者矣臣奉

命視學滇南職在宣布

聖德訓率遐方竊不自揣取五帝樂章存其名而佚
其辭者補以今日之

聖治敬取司馬相如所稱上咸五之義名之曰咸五
頌臣不勝歡抃踴躍之至

立基一章

謹案漢書言炮義繼天而王爲百王先德始於
木故爲帝太昊我

國家祥開出震治洽面離

明叡照於殊方休養始於東土卽五行首木四時首

春之義也考之孝經緯云伏羲樂曰立基亦曰

立本臣故作立基頌以紀

皇業開基著

述幸調

陵之盛焉其辭曰

懿鑠

聖清惟

昊天之子長發其祥

世德肇祀曼珠

龍騰松杏虎視爰定藩遼

京邑二徙如日生於東如海左水累洽重熙同文共

軌顧瞻

陪都三靈蕃祉鬱乎

丹陵萬物資始

右立基頌

下謀一章

謹案孝經緯云神農樂曰下謀下謀者其謀及
下也我

皇上巡方展義

秩祀山川

福庶民以是訓之彝

寧萬國以惟和之政所以爲下謀者至深且遠也作

下謀頌其辭曰

於皇

祖武我

皇繩之念彼民瘼我

皇巡之維賜及雨山川其時之飾是黃駒爲民斲之

大清億萬年禮亦宜之

右下謀頌

雲門大卷咸池一章

謹案黃帝樂章見于戴籍者甚多征蚩尤則有
柷鼓十曲勵戰士則有短簫鐃歌皆爲命將出
師而作也今自川陝楚蕩平而後時和民靖偃
伯靈臺凡鐃吹諸歌舉不足爲

聖人頌惟鄭康成周禮註云雲門大卷黃帝樂也言
其德如雲之所出民得以有族類也樂記咸池
註云池之言施也言其無所不施也說者皆以
爲咸池之名自黃帝始我

皇上親享

橋山

孚迺嚮習不及功臣陪葬者

賜幣有差

臨御正殿

布詔四方

皇言如絲如綸民心知忠知孝且是行也宗室子孫

秩序在位羣僚藩輔咸觀感而面內九族既睦

協和萬邦

德施普也遂作頌曰

瞻彼闔門雲生其岡鬱我

珠邱俾熾而昌盤榆蓐蓐石馬駟駟

聖恩莅止淒其露霜

瞻

弓矢及

冠服

孝思靡忘式是

純皇帝休有烈光

右雲門大卷頌

懿我星潢陪位

清廟維彼藩臣爰間是耀

勤施無私

丹墀宣

詔八紘九夤章志貞教何以教之

教民追孝

右咸池頌

大章一章

謹案帝堯樂章有神人暢及大唐之歌其辭見于古今樂錄與尚書大傳者詳矣若其辭之佚者則呂氏春秋所云帝堯命質爲樂質乃效山林谿谷之音以歌命之曰大章以祭上帝鄭氏註禮曰大章堯德章明也我

皇上親詣

天壇

地壇

堂子

文廟行禮上下咸秩卣鬯式崇

合萬國之歡溥神人之洽

聖德章明孰有偉于今日者乎遂作頌曰

元尊

富媪歆我

德馨惟

天惟

祖

宗陟降在庭練茲時日嘉薦簋鉶肆類于

上帝來假來寧昔我

肇禋九部是征拜

天有舊典享于克誠有諒在坐佑我

大清迺潔芹藻載飭

齋精厥惟世

曼壽

令德章明

右大章頌

八伯貢樂七章

謹案帝舜之樂莫盛于箛韶我

朝樂部有中和韶樂亦既

聖神作述傳示無疆矣其他若南風之詩卿雲之咏
歌辭具在惟大傳所載八伯貢樂之名曰哲陽
南陽初慮朱于苓洛歸來緜緜鄭康成以哲陽
南陽屬春初慮朱于屬夏苓洛歸來屬秋緜緜
屬冬名義雖標厥詞尙佚茲當

慶賜普頒

恩施疊沛狼莩蟻垤浹髓淪肌

迴蹕祇謁

東陵

禮成告至用是玉燭儲祉金甌鞏昌年穀順成翁河
協應合四氣之和以弼我億萬年丕丕其
懿哉遂作頌曰

猗與哲陽盛德在仁我聞在昔

帝澤如春懋官懋賞慶自

天申載肆之筵飫和飲醇綱茶入餅桐酒干巡獻醑
奕奕俎豆莘莘

賜鋪

賜爵下逮乎陪臣

右哲陽頌

陽位于南萬物專豫番番載艾暉暉徒御有鏦有粟
有練有布式舞且歌載依

鑾輅煦我者風湛我者露

右南陽頌

軫爾罹于辜不慮厥初

子以自新舊染胥除雞竿曉蠹貫索胥虛

帝德曰好生

化日允舒

右初慮頌

芃芃者苗其實于于土厚泉肥樂輸其租

帝曰蠲之食我農夫壽考洗腆婦子歌呼馬飽且騰
何慮乎薪芻

右朱于頌

百昌穎栗嚴霜勁秋

聖皇履止

孝思其悠昔

扈

神蹕顧瞻松楸

虔隨

冊寶

鶴禁鳴騶

在茲堂構歲陽再周几筵棖桷

祖烈

孫謀歸格于

祖

考

昭告

神邱

右苓洛頌

天行不息歸騎駸駸

孝子不匱

神人交歆何以降祥旣壽而昌何以儲福生我百穀
維彼德水永言順軌於皇

聖皇受

天之祐四方來賀爰緝熙于

純嘏

右歸來頌

纓纓卿雲爲章于天我

皇東巡法

天左旋

帝庸作歌雲霞爛然作歌如何述我

祖德惟

典惟

謨祗祗翼翼昔周之先幽館邵室自彼成康厥歌秩

秩矧我

烈祖維

天是則

啟佑我後人

垂示罔極

右纓纓頌

皇清文頌續編

卷十四

頌

十五

聖駕東巡恭謁

祖陵頌

謹序

鮑桂星

嘉慶乙丑秋

皇上東巡禋薦

三陵秩祀朝享慶賜如典禮蓋自癸卯

上從

高宗純皇帝東幸

天

祖昭假

主器攸屬丙辰紀元迄今十稔

宵旰乾惕無事不法

祖

考之法心

祖

考之心

大武告成

吉蠲始遂臣備員史職幸覲

鉅典謹爲頌十篇拜手稽首以獻

上

陵頌第一

聖清受

命發祥大東

三陵在焉與天比崇屏以白山帶以綠江襟以天池
泉深土麗鬱儀所升其氣服融五色十光散爲星虹

卷舒煙雲和會雨風陰雪陽開綺繡衡縱三百里間
連岡沓壘嶷然鼎峙若衡岱嵩高我峩

永陵啟運之峰

與京西北王氣所鍾金河灑滌鐵山龍峯從來鹿鳴鳩

笏立踣躄

隆恩之殿文栢桂牕

神功之碑金鎮壁龕寶城周繚嘉樹丰茸

四聖昭穆此焉式馮西接

盛京殷麟鬱蔥

福陵

昭陵勳華協重天柱揭靈隆業垂鴻大小遼河環左
右雙峰鑪嶂鉞蚪蜿鳳翬松栢旅楹規制倍隆甲土
雲屯石馬嘶空象耕

媯隧龍鼎

軒宮天函地龔大鳥朱弓昔在

聖祖三莅程鄴

高宗祇承玉輅四轂時癸卯秋

皇帝扈從

主鬯之

禱默符

天衷柔兆膺圖迄今旃蒙二十三年霜悒雨濛日月

雖除慕思曷窮里道雖遙優懷則通

高宗八載卽勤六龍今又踰二

帝心用忉凱音久旋宜奏厥功乃以吉日旦畢中

告

奉先殿東幸舊邦

繩

祖頌第二

翩翩神雝銜彼朱實生我

肇祖卽有郃室是號愛新其興也勃手開鴻濛雷雨
盈溢

興祖嗣服有聲駿邁

景祖

顯祖厥猷允塞相土截海公劉度隰逮於

太祖乘乾首出虹樞電繞十有三月

犀函虎步十有三甲慷慨誓師

神武奮發生磔尼堪罪人斯得寔摧九部枯拉朽折
築遠瀋再增旗纛八

天戈所指雲聚五色明師論萬四十有七以五百人
一鼓殲畢卜鼎建元開此鴻業授我

太宗智勇天植蒙古北徂朝鮮東殲西州五部鼠伏
蛾訇先後伐明大小戰百墮其名城百有四十降其
大帥俛首屈膝服叛討貳震讐萬國歸延喜玉偃塵
臺伯輿禮和樂殊號改朔昭前燾後閔此燕翼

皇帝曰吁朕

列祖德高穹無上厚地無極憶昔之行

鑾輿手掖迨今之行玉趾親蹕呂翁雲木松杏烟雪

凌河波濤陸澌風日

龍章鳳姿

神御髣髴長弓大鏡

遺仗烜赫糠鏗四照鹿椅八角觸目典型舉踵儀式

勤思

禹沐慨念

堯腊恭繩

祖武永永無斁

法

考頌第三

自我

世祖統一中外

聖祖

世宗天經地緯

高宗續緒又六十載開疆一萬十全五代挈天襲地

普汜萬類

不謨駿烈口不容繪我

皇上嗣仔肩時弼明作兩離道奉三泰夙夜惺惺恭

純考誨一話一言

曰

祖訓佩一行一趨

曰

祖徽在

帝惟

考法

祖德無泳法

純考仁閭澤滂沛鋪饑拯溺鉅萬靡愛壤叟斐循歎
極而涕法

純考義太阿漭淬秦隴荆蜀焱掃霆礪積塵一空坦
然大塊法

純考誠孚在介出心冥服眠表知丙袞春鉞秋如
量受槩法

純考敬虔鞏不解歲時

郊

廟水旱崇禴執玉夙興穆與

天對法

純考勤省闕弗怠大綱小紀所斷夕裁日運一周海
納萬派備茲

聖德

聖繼

聖再珍黃中括太紫上配十年之間南燠北海澍罔有

不悅若

純考戴乃

幸翰林以甲子歲翼翼濟濟夔夔虎拜乃

宴停叙羅子弟輩怡怡愉愉旒綵華華凡大典禮悉

協嘉會匪

皇帝始曰

純考志

志繼

事迹有舉無廢矧

列祖陵弗亟

躬詣遂

登時龍鳳駕東邁

大禮頌第四

帝車旣東漢惠之鄉金風霽霄萃潦收湟辰旂豹罕
颯纏飛揚萬騎雲驅和鈴央央帷宮旦開路有壺漿
不輔不煩至於

神京

皇帝齊宿誠感芝房望舒宵圓六字同光始詣

珠邱元端纁裳行展謁禮

睟容有愴自我不見星紀再更攀松奠醑有涕其滂
翼日質明肅舉大饗

皇帝禮服自阼階行宗伯導儀佐以太常諸王辟公
贊幣執觴百職卿士左右奉璋暨陪祀者莫不恪誠
枚枚

闕宮叩赫密清金鑪壹壹華燈熒煌三滌之牲特牲
駢剛五齊之酒嘉粟苾芳簠簋之實白黍黃梁登鉶
之羹薇豕苦羊玉豆雕饗奇偶縱橫物備水陸氣和
陰陽

皇帝北面九拜升香一獻再獻祝告溥將鏗磬九成
列綴四方歌

功舞

德禱商皇皇三獻告終燔燎四煬騰精著神達於屋

牆旣謁

永陵嚴翼齊莊

二陵則同不懈益強穆穆

皇帝玉度金鏘不聲以聰不形以明煌煌

列祖臨上質旁有歆罔恫宴娛瑄薌篤祐甄禋介純
嚠厖大禮慶成昭示無疆

羣祀頌第五

周官宗伯掌邦祀事以事天神地示人鬼仁昭義折

推本祖禱

皇帝錫類有加無已乃因巡方秩

百神祀曰鑿巫閭著職方氏炳靈地鎮鏡秀天咫曰
北海神恍惚奇詭大鵬長鯨電欵風駭

帝親旅之兩圭有邸曰長白山生祥降偉羣山祖鼻
噓吸雲雨曰巨流河雙遼之匯曰松花江合混同水
曰渾曰遼塞外迤邐輓雷歎雪西入於海咸

命冊祝惟大臣

使曰克勤王功宗首紀曰武勳王造邦是毗曰直義
公歸命攸始曰宏毅公勲冠戚里

帝親酌之於其墓所榮鏡幽安光昭緹史其餘懿親
開國僚案或周廊衛盞羽麟趾或殷伊黜南征北徯
或夏鳩方寶門倒屣咸

命禮官升芳薦旨外此

壇

廟

羣神所止

原寢所祔

鑿路所底古昔祠墓琳宮梵宇或

親或

遣一如典禮諸所登假柴燎縣成豨沉醑辜幣玉粢
醴四方上下前後左右罔弗祇肅靡有恫悔道光十
倫徵叶五寔蕭焄四燭壁氣成采神具醉飽愉悅衍
喜降祥助順昇

皇帝社

王會頌第六

百禮既洽

帝乃大朝春官整儀常伯設施公卿大夫百吏六曹
鱗集景從祁祁夔啓四十八部世我僕僚句驪河西
迎扈則遙隨我屏翰鵠立不佻朝鮮恭順自東海踰
綴我鴈行鳧踊鷺翹南陽父老里之俊髦泉諸遠人
星棧水舫使鹿使犬貢雉貢獒莫不來享載趨且趨

皇帝盛服

龍顏握襃

御崇政殿天門豁寥鹵簿大設環斗建杓扶桑升暾
負以六翮飛光揚文綯宇縟霄鴻臚贊唱鞭呼靜蹕
日羽月旌盪摩天飈金鍾石球鏗夏鈞韶粉環星羅
纓組霞影佩玉瓊琚磬折動搖旃裘毳衣絳縹織掣
大冠長裾嗟峨飄蕭若雲從風而川涌潮奉表稽首
拜螭陛坳祝

皇帝壽如崧華高如

魯嗣

軒如

虞紹

姚

帝曰俞哉

列帝之休朕則爾同式燕以敖旣

頒大詔爰

沛渥膏金樽翠卮縹碧之醪川錯陸珍紫府之庖珍
和芍藥名果葡萄侑以工歌龍竹鳳匏文以千舞繪
帙羽翽娛以角觥十夫百驍更

啟大政大醕二毛

滑露霈雲

乾坤泰交

慶賜頌第七

留都

慶賜自我

列祖

純皇恢之肆大澤屢

帝東展祀上則

先矩旣大朝會

恩賚斯溥其於外藩尊卑簞俎金繒裘馬未暇僕數
越在內服試崖略舉亶其宏多渝做豪楮爵秩之

賜王公居首卿尹百司凡扈從者以迨兩京執事文

武文陸珩珩寅階繡黼升榮晉級委委黼黻金幣之
賜宗潢誥羽

陵衛

躡隨大小紳組守量之吏獻賦之士以逮偏裨伍兩
卒旅文錦霞疊精錄雪聚大華高軒錯道金龜粟帛
之

賜老更三五八十九百年之叟背暗重纏腹果四
繡危髮陸顛扶杖笑語租賦之

賜始自畿輔

鑿輅所經及遼左右或全或半悉沐貸予有童伊咥
有婦機杼祁祁閒閒樂此春煦其他異數指不勝僕
增鬢校額葭風棫雅出囹圄囚豐雷解雨矜恤熒獨
惠鮮鰥寡仁及蠓蝓恩徧草莽一日之中九天之下
淵旋雲被山歌海舞家絃戶說曰

帝福我我圭我黻絜

帝之寶我儻我七絜

帝之飭我絺我褐絜

帝之有芻酬

帝德忠敬事

主

省風頌第八

盛京之境當箕尾躔雲漢積氣回薄於天下絡地脊

山河極焉東挾句麗日本朝鮮滄溟爲池冠以神山

北控大漠部落且千南襟遼河西枕雄關通氣協靈

金湯屹然

帝顧而嗟先民有言德不在險起語實賢不見長城
蒙築而顛載考疆里厥壤砥平載度原隰上上厥田
閭閻轉殿墉櫺比連杳若會雲亘若長煙春萋霰野
秋實兩川奇物珍產不可殫原三桠之草一服九還
徑寸之珠一直千鍰海東之禽精鐵鑄拳豐貂之溫
不知歲寒鹿以風橐魚以冰鱸棟宇之資柏栝松杉
紉組之用吉貝木棉牧畜之富有踰有犍有騅駟駝

駱驪騶駟或鯁或摩或齧或眠散影峰繡流汗隰殷
帝覽而欣

祖澤孔緜繫昔荒作勤儉率先三殿五宮不斲不斲
兩翼八旗必騎必莖農耒婦筐門葦瓦苦有此封圻
及此幅員聿至於今風樸俗敦毋謂土沃而怠柞芟
毋謂家給而忘艱難毋謂世遠而昧本元漠漠愬愬
繼繼延延食

德服疇鞏我

岐汧

敷言頌第九

我

朝文教振古莫若

列祖奎藻星稠漢倬文三詩五

純皇之作陪京四莅翰詠千百歌攬全韻書哀七閣
生民未有理大物博

皇帝稽古聲振六幕味餘金鑄初集玉琢旣東巡守

宸章炳燦極之

敷言萬姓口沫或稱

祖訓我聞在昔圓矩述皞大唐誦馨丹書陳軒典寶

溯毫杆箴牖銘渾渾噩噩或頌

先烈鋪張揚摧生民秬秠皇矣棫柞旱麓黃流靈臺

白鷺摹天繪日赫赫濯濯或頌

渙汗敦忠革薄虞篇九共商書帝告殷宗籲河成周

誥洛仁綸義綽讀者涕落或寫風景節宣宇合卿雲

賡韶晨露續獲歌掩紫庭曲陋黃鵠橫高範深爲天
地橐或紀土物涵泳

膏澤山海圖繪倉雅訓釋采班十志括劉七略巨舍
細入爲萬物郭或和

元韻重輪合璧或成聯句貫珠駢珥或摭長篇百家
騰躍或題短詠六藝漱滌皇哉

聖言迪世先覺

昔自賦

今頌瓊雕石斲

永言舜歌

昌言禹述

文言姬演

微言孔削彪炳藝林鳥奕簡策傳之萬葉珍禕懿鑠

受釐頌第十

精禋旣展

闔渥旣滋

神人允諧福應具來

帝旋自東溟溟鸞旂來時火流往授之衣遮道扳輪
豐沛之耆

橋山

顧瞻烟雲闔開弭旌俄軫宛宛依依川原所經景物
恬熙井舍安閒餘糧畝栖畿左

諸陵徧臨

六飛天動星回底於

京師告至

太室肅陳

朝儀羣臣上

壽拜手陳詩

皇帝穆然心
神凝思維

天眷德重光
襲暉維

祖作求出震
繼離造我區
夏廓我不基
二百年來昭
融赫熾以昇
朕躬執矩循
規敢曰配命
弗先祇台敢

曰紹聞弗聰聽彝敢曰肯獲弗勤敷舊敢曰綏成弗
欽大禧德之旣馨益恭明彞禮之旣修益張國維澤
之旣覃益溥厥施風之旣淳益激厥漓緝熙光明時
日孜孜時日贊贊爾卿士飲爾交彌予勿諂勿欺儻
載瀛埏甄冶孰坯苾敷幾康顧省厥遺日慎一日履
冰馭馳庶幾烝烝上理日躋紅女條桑牧人夢魚絃
歌四聞桃李垂街照於景風飲於上池遊於華胥登
於陸驪上下樂康中外福禔於萬斯年受

天

祖教厘

聖駕巡幸淀津頌

謹序

帥承瀛

臣

聞六馭春行木德啟蒼龍之駕三驅時邁河
宗獻元貉之祥是以首山汾水之巡朔荷精於
唐代具茨襄城之狩登蘭采於軒圖自昔循茂
矩而修上儀莫不罔淳風而敷下澤然未有如
重熙累洽疊開甲子之圖作久

求寧永錫丁男之慶

睹黃鱗之結字陳元鳥以巡方焜耀泰初烏奕今日

者也我

國家

垂型離炳顯業觀宇

登畿邑以久安

錫園區以亭育

皇上奉三出治得一御宸魁柄施元握黃樞之繩檢

泰符朗曜煥紫宇之鈎鈐武緯文經

法

考則十全續

緒春梨秋萬

順時則六位承

天湖湘之青犢投戈秦蜀之黑山偃甲

銀書玉篆煥秘苑之星雲龍勺雞彝考辟雍之鐘鼓

納烏府西臺之簡擊磬鳴鞀讞黃門北寺之刑

辨壺紀漏邇英延義

聞謨典於

經筵玉冊金細炳

聖神於

實錄八溟貢齎吹鱗沒羽之鄉九部來廷青馬赤蛇
之裔箕疇斂錫絲文承蘭檢之禧周服康田白
阜薦蘿圖之祉固已青埃合軌謳思緹幕之懸
蒼使告勲竦俟

旌門之設者矣矧茲次躔析木郡號漁陽峙左輔
之屏垣爲

皇州之燕衛五寅候氣占地軸於元都九子聯輝表
天沛於紫海扶桑浴日崑岑之貝闕千重若水
吹雪淵客之鮫珠百斛巨岡巒而迴復隄堰虹
舒連樓艦以紛紜舳舻鱗次三城雙塔回折溜
於中亭紅石白河注靈源於左絡西滙衡漳之
派清濁同源北分涑易之流疾徐共脉橋環曲
澗浣花之墅臨波地遠垂楊篆水之樓向郭重
闔廣路駟結鑣連九市三街琛陳賂練燈泉噴

玉陽藎陰藉之疇稻穗垂雲夏國春城之地而
况素華飛雪元液煎波曬鹵開池禺筴擅形飴
之富投蓮采草牢盆收赤白之珍大通則駢坐
漕艘廣濟則輸將

天庾三門八節粟流青豫之珠百舍一趨舟溢荆
揚之玉所謂膏腴菴藹誇豐國於神州水陸阜
昌屹鼎門於

京邑者也洪惟

聖祖仁皇帝躬親原隰四度勤輿

高宗純皇帝周覽隄防五巡錫祐瀾安砥柱萬年仰
祖澤之貽軌順宣房千里下坤維之奠今者帑

頒太府黃銀則萬鎰流泉功上司農元陞則千尋止
水翠嬀告瑞承底定於周原赤壤祈

恩望

巡乘於

舜陞於是順陽考度

谷岳勤民東陸調元惟戊協慶成之令南重練日上
辛占祥習之期按太乙以飭

皇儀

詔長庚而陳

天衛開黃道而

金根曉發周廬之環列星陳擁絳雲而

玉軌朝昇鹵簿之屬車雷動八鑾肅穆振鐸聲於

雞翹豹尾之間七萃趨趨騰喜氣於魚麗虎賁

之隊絳霓飄警旂連綺甸之桑陰翠鳳雜褫旒
帶芳郊之柳色

展

五陵而用饗

申九獻以昭虔

神阜嵯峨松柏鬱龍蟠之氣

寶城堯業雲霞鍾鳳舞之靈升由聖之精禮典隆前

漢望

美壻而優慕

孝邁成周百禮既陳

六飛載馭動

皇輿於青道駐

儀仗於紅門團鳳河深漾

恩波於靈沼涼鷹臺近仰

仁澤於駟虞甘雨清塵細潤

帷宮之彩暖風抽葵微吹葦路之春

幸細柳而按長楊

停鸞輅而

登鳳舸鱸迎

安福蘇橋之圓暈生花舫集行春芬港之細紋縐縠
魚頭剝坦斜通丁字之沽雁翅排塘直接辛莊
之埜涿南薊北繪畫本於

宸章趙葵燕王廔

天懷於

睿鑒金隄屹立定七十二澁之防

玉策時停察三百支流之勢

昇河臣以筦鑰白璧開圖

授量吏以樞機盧魚貫象

勲隆地防二龍殊赤水之遊

惠展農祥八駿陋元池之駕翬聳琳宮於恬佑

奎鉤瞻磔裕之光

禮金界於崇禧

宸藻仰琳瑯之字樓橫海氣靈祇承璫秩之封寺聽

潮音瑞靄裊珠烟之篆星圻

警蹕蘭支連襪以扶輿

日觀陳儀飴背倚裳而拜輦

播醇

偕樂

宸居閒紫極之垣

悅性

校讖

行殿翊元宮之位

訓韜鈴於田帳

寶纛搖風

肄部伍於庚鈴牙旂耀日弓穿七札矢飛赤羽之光

劍走雙丸缺吐青霓之影坤垠

振武鈞旋樞轉之威泰陞

掄文徵叶宮調之化軒裳拜

忱稍揚萬一敬作頌曰

於樂

聖清埏紘在宥遼瀋開基

鴻圖

天授六合春熙萬流輻輳

皇帝御極

梁鏡宇宙川嶽懷柔神靈妥侑曰肝與膏日新

德懋一章

惟濂之東衆水攸同日沽曰澗淪瀾融融瘳淺了牙
渠澗之雄厥浸惟巨惟腴斯豐鹵池稻陌襟帶環通

宅中封瘞首善圖功 二章

允翁惟河

貽謀在昔

聖祖莅止相水所宅繼自

純皇導河開澤菱竹

運籌別鬢霍窪積派導靈源隄建長格亦越斯今勸哉

禹迹 三章

我

皇勤民

祖武是繩樹渠封溝厥利攸興溥原既浚馨鼓弗登

畫吏陳請膺甄頻升隅隅望

幸春臺庶蒸

帝曰俞哉六龍時乘 四章

戊吉既涓整

鑿圻甸

法導星陳環衛

行殿鬱鬱

橋陵

龍旂載見典則

時巡義惟

告面

松路雲飛

蒿宮醴薦

孝祐聿綬

帝車乃轉

五章

迺導

南苑迺憩紫泉溷舟趙北

安福御焉彩幢旖旎鏡淀波圓四望雲錦中流管絃

神龍掉尾

翔鳳凌仙萬靈仰照鮫宮駟淵

六章

濯流津城百里信宿言循海裔

周覽隄梁如甕臨城加飭建屋鉅野籌薪淇園捷竹
掘鯉溯源朝宗百谷九十九川永安地軸

七章

杭自柳口

御舫迴翔搖搖戈羽樓櫓魏昂三單

大閱

聖武孔揚魚鱗噴雨蓮鏑飛霜貔貅奮武鳥翼龍驤

赫矣

天聲輝耀海疆

八章

匪遊匪豫

慶賞斯下稅牒蠲逋匪趨茨野粟楮引年憫及瘵寡

鞠草園扉庇寒廣厦亡木楸之材一以陶冶歆歆莘莘

謳者籲者

九章

海兮旣晏河兮旣清

闔澤旁流

旋輿

帝京推

聖作又惟

神佑

誠簫勺衆有鳧藻羣情

九五福備慶衍

吉庚地平天成稱

萬壽觥十章

聖駕巡幸淀津頌

謹序

李兆洛

皇帝御宇十有三載天地謐清風雨時敘上下洽和

神人胥悅猶櫟然

顧省惟陰陽水土之不謹於宜剋農桑衣食之不周
於敦勸

勤恁宵旰延訪治道

法宮之尊崇蓋未嘗一日卽安也乃以三月之吉

戒周法載雲罕發少府金錢以給供顧勞費

巡行淀沽

周視隄防舉禮官展義之文慰里諺休助之望以仰

循

祖

宗之舊章俾四海之內莫不鏡

旂常之光耀聆

和鸞之正聲方牧令長恪勤官守疏布

德意孝弟耆老率勅子弟導揚

闔澤假湯聞風共泳禔福夫

法

天行健至德也

率時

昭考大孝也

躬挈地紀勤恤民隱至仁也小大之臣咸樂昭著

景懿雍容敷揚附忠孝之一得臣愚不自揣量拜手

稽首獻頌一篇詞曰

皇皇維清參造物始方地啟圖中天正晷

祖功

宗德武奮文收肇誓騎虎厥角摧觥被濯孽菑煦噢
痕瘠

顯猷堂堂普祀遐邇人甘汎醴戶服荃芷厖禡積高
華釐集屺曰若邃古元墨此僥懣能挺桐林總豸豸
有立父母靈命攸倚庶類桐生不矜爪觜黑萌赤牙
五德遞起寂寥罔昭疇張疇馳

休紹天精德維君枳赤制轉圜黃圖行祗百六十年
三萬餘里英聲茂實則藻蒙汜紛綸滂溷浹在骨髓
博採民謠厯選王史烝烝遂遂盡未有此亦越

皇帝迺哲寅祀泰元渾擢紫宮樞侷

監觀漠察祗恪顧謐載魏履栗

肅增禋祀推其粵宛以惠朴鄙贊其因显以唱和理
天心願若產祥隕祉於錄

祖制觀揚道揆恭館龍文琅函鳳紙斧案丹雘金玉

表裏鉅匠囊含細程黍索

聖域

皇階秩姚跨如誕惟

聰聽大本慎熈稟天生知希古求是

皇帝聖文別別龍紫三物興民九行統士詩受腹翁
學諮滑子藝途波流禮園雲委颺微冰塞槐陰壁水
歲在丙丁小醜屯蟄

皇帝神武命將因壘乞活又安里門夜闌戢戢黎首

秀眉鬣齒俯屣

辰燭我見如咫尺力本劭稽慎罰考季

詔書數下冠蓋繙繹大沛

恩渥養瘵通痞乃

獻泰成

神榆帝梓

升香

方中茅馨酒旨

皇帝孝享肅奉劍簋

玉衣寶篋卸砌金庀遠邁長白終古摧隤流連松楸
惻愴筵几

類錫生植

仁馴鳩雉億兆熙熙和哺而飭軒舞饗鼓星周於紀
號以貺榮昕夕踵企眷我

畿赤庭宇之似稍甸程秬穡溝血鏤綺辰入五車旅溢
靈軹東西濁流溲沓交摛吞衛囓沾費渭涯涘鏐鏐

掣曳廬井破礪

皇帝曰咨傲予在彼褻蹠非惜芟薪其庀宛宛長堤
安貼剋施泊栢恬澌滅澄滓滅瀕河卒復稻田使
陸海上腴高廩億秬

皇帝曰俞予介勞爾

親動大輅赫肅蘭綺知頓不煩木衡是庀龕張備胥
罷免工技諷日吉剛淀津艘止下屬星虹先驅夔螭
八神景從虎眇麟時花覆僊旆苒蕙金碧萬戶香醅

千官佩紫樹兩隨車梢雲冠珥譽髦志鶴老異可稱兕
中衢飲尊過客止餌頌嘉句臚端詳字擬審情以摠
皇帝載喜朔恒西回碣石東峙遠念禹庸近緬漢址
千艘輓漕百貨列市今也玉帛昔者樞樞
列聖勤止勤不爲已

屢降專惠

翠華颺颺昇山銘深帝譽臺歸今我

皇來踵

武及軌宮館仍貫暨茨葺圮顧盼原隰

丹瑤鮮玼粟帛穰穰禾麻蕪蕪淵收監罟戲斥角抵
符美若節省度如矢

還轅騁馳

寢廟薦簡

聖治遵

祖龔跡如指

聖孝邁古蔑有倫比甄育所及梯航旁底殿車焉乘

螺舟焉楫

皇帝柔遠不尙珍傀恢闕敦龐黜遠華侈一日十瑞
福祿樛纍平露煌扈歲雜霍靡山呼共聞河清非俟
皇帝虔鞏休徵不恃益

懋淵涓以答

天視

皇帝勵政延謀臧否助爽求友反支啟甌
整飭百寮無敢訛謖

皇帝新民處高向聽庠殿最宮方周知下俚宅宅田田
無窳無此休祐篤矣六幕康矣扶輿從萃就鈞率履
沐浴膏澤舍阻宮徵銘鐘勒奠操觚削楸神筭昭受
壽域不被巨億萬年蹈詠靡已

小臣

作頌敢附豐芑